



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-618-5/22**
Datum: **15.12.2022.godine**

«Agencija za vodno područje rijeke Save» Sarajevo rješavajući po zahtjevu pravnog lica „C.I.B.O.S.“ d.o.o. Sarajevo-PJ Novi Grad za donošenje rješenja o vodnoj dozvoli za ispuštanje oborinskih onečišćenih voda sa lokacije objekta otkupne stanice sekundarnih sirovina, izgrađenog u ulici Džemala Bijedića 144, općina Novi Grad, Sarajevo, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj: 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu C.I.B.O.S.“ d.o.o. Sarajevo-PJ Novi Grad, daje se vodna dozvola za ispuštanje oborinskih onečišćenih voda sa lokacije objekta otkupne stanice sekundarnih sirovina, izgrađenog u ulici Džemala Bijedića 144, općina Novi Grad, Sarajevo, na zemljištu označenom kao k.č. broj: 3582 K.O. Novo Sarajevo IV (novi premjer).
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu pod slijedećim uslovima:
 - 3.1. Da pravno lice „C.I.B.O.S.“ d.o.o. Sarajevo-PJ Novi Grad, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu predmetnog proizvodnog objekta, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se u roku 6 (šest) mjeseci od izdavanja ovog Rješenja, ugradi separator sa koalescentnim filterom odgovarajućeg kapaciteta sa ispustom u kolektor oborinske kanalizacije kojim upravlja KJKP „VIK“ doo Sarajevo.
 - 3.3. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti u skladu sa članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda-tehnoloških otpadnih voda i oborinskih onečišćenih voda, uzimanjem uzorka efluenta iz okna za monitoring, a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- 3.6. Ukoliko Vlada propiše dodatne (strožije) uvjete od uvjeta definisanih Uredbom o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.7. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.8. Da se kod pranja koriste sredstva koja su prikladna okolinskim zahtjevima.
- 3.9. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.11. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.12. Da se sa opasnim i štetnim materijama koje mogu dospjeti u vodu sa predmetne lokacije, postupa savjesno pri skladištenju, transportu i pretovaru kako ne bi došlo do štetnih posljedica usljed prosipanja istih.
- 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se realizacija aktivnosti obuhvaćenih tačkom 3. dispozitiva rješenja u cjelosti poštuje u propisanom roku.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice C.I.B.O.S." d.o.o. Sarajevo-PJ Novi Grad, zahtjevom broj: 62/22 od 03.11.2022 godine, zaprimljenim dana 11.11.2022 godine, se obratilo ovoj Agenciji za donošenje rješenja o vodnoj dozvoli za ispuštanje oborinskih onečišćenih voda sa lokacije objekta otkupne stanice sekundarnih sirovina, izgrađenog u ulici Džemala Bijedića 144, općina Novi Grad, Sarajevo, na zemljištu označenom kao k.č. broj: 3582 K.O. Novo Sarajevo IV (novi premjer).

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra broj: 065-01-0281-09 od 10.10.2022. godine izdat od strane Općinskog suda u Sarajevu-ovjereni kopija,
- Rješenje o vodnoj dozvoli broj: UP-I/25-3-40-563-6/21 od 14.12.2022 godine izdato od strane «Agencije za vodno područje rijeke Save» Sarajevo,
- Ugovor o zakupu privredne zgrade i ekonomskog dvorišta broj: 1-10/18 od 1.10.2018 godine zaključen sa „HENZI COMMERCE“ d.o.o. Sarajevo,
- Ovjereni kopija Uvjerenja o poreskoj registraciji, od 20.07.2007. godine, izdatog od strane Porezna uprava-Kantonalni ured Sarajevo
- Ovjereni kopija Rješenja o izdavanju dozvole za upravljanje otpadom, broj: 05-23-11489/18 III MG od 19.12.2018. godine, izdatog od strane Ministarstva prostornog uređenje i zaštite okoliša.
- Dokaz o uplaćenju upravnoj pristojbi i administrativnoj taksi,
- Izvještaj o ispitivanju kvaliteta otpadnih voda broj: 1/1, septembar 2022. godine, urađen od strane ovlaštene laboratorije „TQM“ d.o.o. Lukavac.
- Ovjereni izjava podnosioca zahtjeva od 12.12.2022 godine,
- Situacioni prikaz postojećeg stanja na aktuelnim na aktuelnim geodeskim podlogama.

B. Tehnička dokumentacija

- Projekat izvedenog stanja-hidroinstalacije, urađen od strane pravnog lica „TQM“ d.o.o. Lukavac, august 2018.godine.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli, zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom duhu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 24.11.2022. konstatovano je da je podnosilac zahtjeva uredan obveznik plaćanja posebnih vodnih naknada.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-618-4/22 od 29.11.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Predmetni poslovni objekat se nalazi u obuhvatu industrijske poslovne zone Novi Grad u ulici Džemala Bijedića 144. Ukupan prostor za obavljanje djelatnosti je 600 m² (otvoreno skladište).

Podnosilac zahtjeva navedenu djelatnost obavlja u zakupljenom prostoru prema sklopljenom ugovoru.

Otpadne vode na predmetnoj lokaciji nastaju pod uticajem oborina i iste se prikupljaju putem kanala i linijskih rešetki te internom kanalizacionom mrežom vode do priključka na kolektor oborinske kanalizacijekomij upravlja KJKP „VIK“ doo Sarajevo.

Na predmetnom lokalitetu vrši se otkup i privremeno skladištenje sekundarnih sirovina (na dnevnoj bazi) koje se svaki dan transportuju u PJ Ilijaš.

Izvještaji rezultata ispitivanja kvaliteta oborinskih onečišćenih voda sa predmetne lokacije, za mjesec septembar 2022 godine, urađeni od strane „TQM“ d.o.o. Lukavac, su u skladu sa vrijednostima definisanim Uredbom o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva posjeduje Rješenja o izdavanju dozvole za upravljanje otpadom, broj: 05-23-11489/18 III MG od 19.12.2018. godine, izdatog od strane Ministarstva prostornog uređenje i zaštite okoliša kantona Sarajevo.

U svom očitovanju o aktivnostima koje je potrebno izvršiti u narednom periodu (ugradnja separatora masti i ulja) podnosilac zahtjeva je istaknuo činjenicu da se nalazi u zakupljenom prostoru i da će izvršiti navedene aktivnosti u periodu od šest mjeseci. Ugradnju separatora na lokaciji će prilagoditi mjestu gdje se pokaže da je spajanje na postojeće instalacije lakše izvodljivo.

Akumulatori se propisno skladište u posebne vodonepropusne spremnike i na kraju radnog dana odvoze u RJ Ilijaš.

Na osnovu dostavljene dokumentacije i uviđaja izvršenog na predmetnoj lokaciji, uvida u stanje proizvodnih objekata i ukupnog sagledavanja problematike kvaliteta otpadnih voda na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, C.I.B.O.S.“ d.o.o. Sarajevo-PJ Novi Grad, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- „C.I.B.O.S.“ d.o.o. Sarajevo, Bosanski put 215, Ilijaš (Prilog-tehnička dokumentacija pod tačkom B obrazloženja ovog Rješenja)
- AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo